

Lög Alheimersamtakanna á Íslandi

1. gr. Nafn félagsins.

Félagið heitir Alheimersamtökin á Íslandi.

2. gr. Heimili félagsins og varnarþing.

Heimili félagsins og varnarþing er í Reykjavík.

3. gr. Tegund og markmið félagsins.

Félagið er félag aðstandenda og velunnara einstaklinga með heilabilun.
Félagið er almennt félag og ber ábyrgð á skuldbindingum sínum með eigin eignum.

Hlutverk félagsins er m.a.:

- a) Að gæta hagsmuna skjólstæðinga sinna, þ.e. einstaklinga með heilabilun og aðstandenda þeirra.
- b) Að efla samvinnu og samheldni aðstandenda ofangreindra sjúklinga, m.a. með fræðslufundum, útgáfustarfsemi o.fl.
- c) Að auka skilning og þekkingu stjórnvalda, heilbrigðisstétta og almennings á þeim verkefnum, sem einstaklingar með heilabilun og aðstandendur eiga við að etja.
- d) Að einstaklingar með heilabilun fái þá heilbrigðisþjónustu og félagslegu aðstoð, sem nauðsynleg er í nútímapjórðfélagi.

4. gr. Félagsaðild.

Aðild að félaginu er opin öllum þeim sem hafa áhuga á og láta sig varða einstaklinga með heilabilun og aðstandendur þeirra.

Félagsmenn bera ekki fjárhagslega ábyrgð á skuldbindingum félagsins, nema hafa sérstaklega undirgengist slíka ábyrgð með samningi.

5. gr. Aðalfundur félagsins.

Starfstímabil og reikningsár félagsins er almanaksárið.

Aðalfund félagsins skal halda ekki seinna en í maímánuði ár hvert. Til hans skal boða með auglýsingu í viðurkenndum miðlum eða á annan jafn tryggilegan hátt og með tveggja vikna fyrirvara hið skemmsta og er hann þá lögmætur.

Rétt til að sitja aðalfund hafa þeir einir sem eru skuldlausir um gjaldfallin félagsgjöld við félagið.

Aðalfundur fer með æðsta vald í málefnum félagsins. Fastir liðir á aðalfundi skulu vera:

1. Setning fundarins.
2. Kosning fundarstjóra og fundarritara.
3. Skýrsla stjórnar.
4. Endurskoðaðir ársreikningar félagsins lagðir fram, skýrðir og afgreiddir.
5. Endurskoðaðir ársreikningar félagsdeilda skýrðir og afgreiddir
6. Skýrslur forstöðumanna félagsdeilda.
7. Lagabreytingar.
8. Kosning stjórnar.
9. Kosning 2ja skoðunarmanna reikninga.
10. Ákvörðun um árgjald.
11. Önnur mál.

6. gr.

Aðrir félagsfundir.

Stjórn félagsins boðar til félagsfunda með dagskrá eftir því sem ástæða þykir til. Boða skal til fundarins með sama hætti og boðað er til aðalfundar.

Halda skal félagsfund ef tuttugu og fimm skuldlausir félagsmenn óska eftir því.

7. gr.

Stjórn og skoðunarmenn félagsins.

Stjórn félagsins skal skipuð 5 félagsmönnum. Formaður skal kosinn árlega á aðalfundi, en aðrir stjórnarmenn skulu kosnir til tveggja ára í senn, tveir og tveir. Tveir varamenn eru kosnir til eins árs. Stjórnin skiptir sjálf með sér verkum.

Formaður boðar til stjórnarfunda eins oft og þurfa þykir en þó skulu fundir aldrei vera færri en fjórir á ári. Halda skal stjórnarfund ef tveir stjórnarmenn óska eftir því.

Stjórnin er ályktunarhæf þegar minnst þrír eru mættir á stjórnarfund. Meirihluti atkvæða ræður ákvörðunum á stjórnarfundum en ef atkvæði eru jöfn er tillagan fallin.

Meirihluti stjórnar þarf að skrifa undir meiriháttar skuldbindingar félagsins svo að gilt sé.

Kjörnir skulu tveir skoðunarmenn reikninga. Stjórnin ræður löggiltan endurskoðanda sem annast endurskoðun reikninga félagsins.

Framboðum til stjórnar félagsins skal skila til stjórnar fyrir lok marsmánaðar.

8. gr. Framkvæmdastjóri félagsins.

Framkvæmdastjóri er ráðinn af stjórn félagsins. Framkvæmdastjóri hefur umsjón með daglegum rekstri félagsins í samræmi við ákvörðun stjórnar. Til daglegs rekstrar teljast ekki ákvarðanir sem eru óvenjulegar eða mikils háttar.

9. gr. Félagsdeildir.

Innan félagsins eru starfræktar félagsdeildir sem sjá um rekstur dagþjálfana.

Stjórn og framkvæmdastjóri félagsins hverju sinni eru jafnframt stjórn og framkvæmdastjóri félagsdeilda. Aðalfundur Alzheimersamtakanna skal jafnframt vera aðalfundur félagsdeilda og málefni félagsdeilda eru hluti af dagskrá aðalfundar samkvæmt 5. gr.

Hver félagsdeild skal vera með hjúkrunarfræðimenntaðann forstöðumann sem hefur faglega ábyrgð og sér um daglegan rekstur viðkomandi dagþjálfunar. Hver félagsdeild hefur aðskilinn fjárhag og kennitölu. Endanleg fjárhagsleg ábyrgð á rekstri deildanna er á ábyrgð Alzheimersamtakanna.

Félagsdeildir hafa tekjur af daggjöldum sem greidd eru samkvæmt þjónustusamningum við ríki og/eða sveitarfélög. Félagsdeildir greiða allan rekstrarkostnað við dagþjálfun. Allar meiriháttar ákvarðanir deilda skulu teknar af stjórn félagsins.

Félagsdeild verður stofnuð og lögð niður á félagsfundi Alzheimersamtakanna-með samþykki meirihluta þeirra félagsmanna sem fundinn sitja

10. gr. Lagabreytingar.

Lögum félagsins verður aðeins breytt á aðalfundi og þarf til þess atkvæði 2/3 þeirra, sem fundinn sitja. Aldrei má breyta lögum þannig að megintilgangi félagsins sé raskað.

Allir félagsmenn geta lagt fram tillögu að lagabreytingum og skulu tillögur berast stjórn félagsins fyrir lok marsmánaðar.

Tillögur til breytinga á lögum félagsins skulu fylgja með boðun aðalfundar.

**11. gr.
Slit félagsins.**

Ákvörðun um slit félagsins verður tekin á aðalfundi með 3/4 þeirra sem fundinn sitja.

Við slit félagsins skal eigum þess ráðstafað í þágu fólks með heilabilun.

Lög þessi voru samþykkt með nýjustu breytingum á aðalfundi Alzheimersamtakanna 28. maí 2020.